

甘肅新通志卷之二十一

錢法

金幣泉刀之制由來古矣自太公立九府圜法而錢之用廣歷代互有變更惟漢之五銖唐之開元一作開通最為得中行之亦最久我朝康熙雍正咸豐同治閒甘省屢次開鑪鼓鑄均不久旋停今錢日少銀日賤窮則變變則通鈔票之行設官局濟之亦猶平糶意雖一時權宜之計然誠能得人而理於錢法不無裨益云

康熙六年各省開鑪鑄錢甘肅於鞏昌府開局鼓鑄所鑄錢文一面鑄康熙通寶四字一面鑄鞏字後停

雍正四年巡撫石文焯摺奏暫開鼓鑄以清錢法於五年四月內設寶鞏局於蘭州按察司經鑄河橋同知監鑄動用藩庫銀二萬兩收買各屬戶釐工字小錢並古舊廢錢銅斤入局鼓鑄開鑪一十

甘肅新通志

卷二十一

建置志 錢法

一

二座七年三月內奉文停止 戶部覆署甘撫張廷棟奏甘省由前撫石文焯收買小錢改鑄大錢擾民已甚請暫停鼓鑄應如所請得

旨石文焯甚屬草率交部議處

咸豐四年總督易棠因協饑不至奏准設寶鞏局鑄錢以佐支發派員收買廢銅採挖鉛苗開鑪後初鑄當千當五百紫銅大錢窒礙不行繼鑄當百當五十黃銅大錢雖已行而農民完納錢糧不收且盜鑄者多復廢六年奏派四川瀘州府所積滇銅二百萬斤派員迎運至省兼購川陝白黑鉛改鑄當十當五大錢黃紫銅各半每制錢配大錢二成七年署布政使張集馨加配五成因制錢日少增鑄八分錢然僅城市中行之同治元年布政使恩麟增鑄鐵錢是時制錢已不復見大錢益脆薄八分錢幾如鵝眼榆莢而銅

鉛亦告竭三年遂撤局停鑄同時又行鈔法先是布政使段大章以庫款支絀詳請製司鈔二十萬串續奉部頒寶鈔一百萬串每錢二串準銀一兩並設官錢局以待持鈔取錢者嗣因部鈔腐爛布政使恩麟又請續頒部鈔並請先製司鈔部覆以甘省藩庫所製鈔票如堪行使即由該省自造遂陸續製司鈔八百九十萬串合部鈔共九百九十萬串久之鈔價益賤銀一兩易鈔至二百五十串鈔一串僅抵制錢六文且行使僅省城內外外來商賈不肯攜帶銷路日塞商賈裹足不前百物翔貴民困愈甚總督左宗棠奏請給價收銷部司各鈔同治十二年錢局亦閉歇矣總督左宗棠請收銷部司各鈔疏竊甘肅本邊荒苦瘠之區承平時經入各款不及東南一腴郡之多轉仰給部撥各省協濟鑲銀以資支放軍興以來各省同值時艱協鑲不到同治元年陝回倡亂甘回繼之軍用浩大當時請頒發部鈔一百萬串聊事補苴嗣因部鈔破爛較多司庫難資周轉經前任藩司恩麟等又請續頒部鈔並請先由本省製造司鈔搭放彼時因籌借孔艱爲此苟且之計蓋不得已也當

甘肅新通志

卷二十一

建置志

錢法

二

准部覆以甘省藩庫所製鈔票如堪行使即由該省自行製造毋庸再請頒發旋經各前任藩司陸續制司鈔八百九十萬串連部鈔共計九百九十萬串近因行用日久腐爛愈多鈔價益賤城市交易每銀一兩易鈔至二百五十串每鈔一兩僅抵制錢六文又行使鈔票僅止省城內外外來商賈不肯攜帶出入交易而銷路日塞商賈因之裹足不前百物翔貴民困愈甚臣與藩司崇保泉司楊重雅蘭州道琦武悉心商酌除司庫陸續收回敝鈔不計外查民間行使鈔數照現行時價核計收鈔票若干給銀錢若干派員分局驗收先由臣提軍鑲項內籌撥制錢紋銀以免臨時拮据一面飭司出示曉諭旋據藩司崇保詳稱查原額部鈔一百萬串除官錢店呈繳一萬串並陸續收錢敝鈔三十九萬七千四百八者五十七萬七千五百三十三串又原製司鈔八百九十萬串除官錢店陸續呈交三十三萬九千三百三十二串外此次收回司鈔八百三十七萬七千零二十三串五百文其破爛無著者一十八萬三千六百四十四串五百文數目悉屬相符統計發過寶銀一萬五千九百六十四兩六錢制錢二萬九千四百零五串一百一十五文五日竣事商民均便現值大路疏通百貨駢集市價有減無增羣情欣悅應請據情奏咨俟准部覆再將所收鈔票銷燬等因具詳前來臣覆核無異此可見圖法之不可輕議變更而多制之徒以取擾也

光緒十三年戶部行文復開此局總督譚鍾麟以購買洋銅利源外

濫費多而無益奏止之三十三年總督升允復設官錢局由上海製石印銀錢票今通省流行准完錢糧釐稅

附歷代錢法

上古自太昊氏有錢謂之金高辛氏謂之貨陶唐氏謂之泉商周謂之布齊莒謂之刀禹五年水湯七年旱禹以歷山之金湯以莊山之金並鑄幣以救人困管子先王用珠玉爲上幣黃金爲中幣刀布爲下幣周太公立九府圜法黃金方寸而重一斤錢圓函方輕重以銖司布帛廣二尺二寸爲幅長四丈爲匹按九府者太府王府內府外府泉府天府職內職幣職金也圜謂均而通也周景王將鑄大錢單穆公諫王弗聽卒鑄大錢文曰寶貨

秦兼天下幣爲二等黃金以鎰名爲上幣銅錢質如周錢文曰半兩重如其文爲下幣按二十兩爲鎰改周一劬之制半兩則八

甘肅新通志

卷二十一

建置志 錢法

三

銖也

漢興以爲秦錢重難用更令民鑄莢錢至孝文五年爲錢益多而輕乃更鑄四銖錢其文爲半兩令民縱得自鑄錢故吳諸侯也卽山以鑄錢富埒天下鄧通大夫也以鑄錢財過王者故吳鄧錢布天下而鑄錢之禁生焉自孝文更造四銖錢至是歲四十餘年縣官往往卽多銅山而鑄錢民亦盜鑄不可勝數姦或盜磨錢質而取鎔錢益輕薄而物貴令縣官銷半兩錢更鑄三銖錢孝武元狩五年有司言三銖錢輕輕錢易作姦詐乃更請郡國鑄五銖錢周郭其質令不可得磨取鎔天鳳元年罷大小錢改作貨布長二寸五分廣一寸首長八分有奇廣八分其圓好徑二分半足枝長八分閒廣二分其文右曰貨左曰布重二十五銖直貨泉二十五唐高祖武德四年鑄開元通寶錢徑八分重二銖四參積十錢重

一兩得輕重大小之中乾封元年鑄乾封泉寶錢徑寸重二銖六分以一當舊錢之十踰年而舊錢多廢開元初宰相宋璟請禁惡錢行二銖四參錢十一年禁賣銅錫及造銅器者二十年千錢以重六斤四兩爲率

宋太祖初鑄錢文曰宋通元寶凡輕小惡錢悉禁之太宗改元太平興國更鑄太平通寶自後改元必更鑄以年號爲文後至王安石爲政始罷銅禁姦民日銷錢爲器邊關絕不復議錢之出國用日耗 凡鑄銅錢用劑八十八兩得錢千重八十兩十分其劑銅居六分鉛鐵居三分皆有奇凡鑄大鐵錢用鐵二百四十兩得錢千重百九十二兩此其大法也後度支判官許中建議以藥化鐵與銅雜鑄重如銅錢法銅居三分鐵居六分皆有奇贏亦得錢千費省而利厚然鐵澀多不就工人苦之

甘肅新通志

卷二十一

建置志 錢法

四

明洪武初置寶源局于應天鑄大中通寶錢與歷代錢兼行已敕戶部及各行省鑄洪武通寶錢太宗九年鑄永樂通寶錢宣宗九年鑄宣德通寶錢宏治十六年鑄宏治通寶錢嘉靖六年鑄嘉靖通寶錢是後每改元必更鑄錢

鑄錢之弊

南齊高帝時奉朝請孔顛上書曰鑄錢之弊在於輕重屢更重錢之患在於難用而難用爲累輕輕錢之弊至於盜鑄而盜鑄爲禍深人所以盜鑄而嚴治不能禁者由上鑄錢惜銅愛工也所以惜銅愛工者爲錢無用之器以通交易務欲令銅輕而數多使省工而易成不詳慮其患也自漢鑄五銖錢至宋文帝四百餘年制度有廢興而不變五銖者其輕重得貨之宜也以爲開置錢府大興鎔鑄錢重五銖一依漢法則府庫以實國用有餘 黃氏曰自太

府園法以來以銅爲錢或爲半兩或爲榆莢或爲八銖或爲四銖不知幾變矣惟漢之五銖得其中五銖之後或爲赤仄或爲當千或爲鵝眼縵纒或爲苻葉又不知其幾變矣惟唐之開元爲得其中二者之外或以一當三或以一當十或以一當百然皆行之不久而遽變惟其質制如開元者則至今通行焉